



Inuit Pisinnaatitaaffiit Kalaallit Nunaata Siunnersuisoqatigiivi
Grønlands Råd for Menneskerettigheder

Nuuk, 3.4.2020

Asasavut Naalackersuisut

Neriuppugut ulluni imaannaangitsuni peqqillusilu ajunngitsusi. Nunarsuatsinni nappaalanersuaqarnerata nunatsinnut sunniutai tamatsinnut annilaarnaqaat.

Periarfissaq manna atorlugu Tunillaassortunik Nappaalanersuaqarneranut Ataatsimiititaliarsuup, Nunatta Nakorsaaneqarfiata Naalackersuisullu nappaalanersuaqarnerani nunatsinnilu tunillaassuttoqarsimanerani siammatsaaliinermut sulinersi innuttaasunillu malinnaatitsinersi nersualaarumavarput.

Inatsisartut apriliip aallaqqaataani tuaviuussamik immikkut ittumik inatsisiliornissaannut atatillugu Inuit Pisinnaatitaaffii pillugit Siunnersuisoqatigiit tusagassiorfinnit oqaaseqartinneqallattaavugut.

Inatsisartunut 31.3.2020 allagarisimasavut innersuussutigalugit oqariartuutivut ima naatsumik uteqqikkumavagut.

Inatsisissatut siunnersuut uatsinnut tusarniutigineqarsimanngilaq.

Maanna nalunaarutit marluk inatsimmut aalajangiiffigineqartumut tunngaveqartut uagutsinnut tusarniaassutigineqarput. Erseqqissumik oqaatigiumavarput tusarniaanermi piffissamik killiliussa q siviippallaarujussuarmat.

Nalunaarutit pineqartut tassaapput (kalaallisut tigunnginnatsigit danskisut qulequtaat):
Selvstyrets bekendtgørelse nr. xx af xx.2020 om forbud mod større forsamlinger og forbud mod adgang til og restriktioner for visse lokaler i forbindelse med håndtering af alment farlige sygdomme for Grønland, undtaget er dog Nuuk, Kapisillit og Qeqertarsuatsiaat i Kommuneqarfik Sermersooq

Aamma:

Selvstyrets bekendtgørelse nr. xx af xx.2020 om forbud mod større forsamlinger og forbud mod adgang til og restriktioner for visse lokaler i forbindelse med håndtering af alment farlige sygdomme for Nuuk, Kapisillit og Qeqertarsuatsiaat i Kommuneqarfik Sermersooq

- Nalunaarutit kalaallisoortai atuuttuusassaammata danskisut oqaasertallit kisiisa tigusimeneri naammaginngilarput.

- Inatsinik nalunaarutinillu suliaqartoqarnerani aalajangiussat peqqussutillu kikkunnit tamanit paasinarluinnartuunissaat sakkortuumik inassutigaarput.
- Sukaterinerit piffissamilu nalignnaasumi innuttaasut pisinnaatitaafferisartagaat pillugit annikillisaanerit periarfissaq siulleg atorlugu atorunnaarsinneqartassasut, tamatumani peqqissutsimut ilisimatuussuseq tunngavigalugu, sakkortuumik inassuteqaatigaarput. Nalunaarutit qaqugu atorunnaassanersut atorunnaarnissamullu aalajangersaareerseq nalunaarutini allanneqassimangillat.
- Inigisap ajortumiitsaaliugassaalluinnarnera Inatsisini tunngaviusuni § 72-imi illersugaavoq isumatusaarnertullu isigaarput § 1- imm. 2-mi inigisap ilaannginnera erseqqissuliarineqarmat. Nalunaarutinili § 4, imm. 2-mi erseqqissumik takusinnaangilarput inigisaq ilaanngullugu tassani pineqarnerseq. Tamanna erseqqissarneqartariaqarpoq.
- Erseqqissarneqartariaqarnasoraarput 'katerisimaartunik' eqqartuinermit inuit qassit pineqarnerseq inatsimmi nassuiarneqartariaqarmat, nalunaarutip aappaani inuit quliinnaat katerissimasinnaanerannik aalajangersaaniarnermi inatsimmik tunngaveqarnissaq qulakkeerseqassappat. Maluginiarparput nalunaarutip qulequtaani allassimammat "større forsamlinger", "katerisimaartut amerlasuut", inatsimmilu allaqqalluni "forsamlinger", "katerisimaarut". "Større forsamlinger" qanoq paasineqassanersaq nassuiarneqarnasoraarput.
- Sutigut tamatigut innuttaasut pisinnaatitaaffiik annertuumik suliaqarnermi peqqissutsimut ilisimatuussutsip tunngavigineqarnissaa inassuteqaatigaarput. Politikkikkut taamaallaat tunngavilersuissagaluaaraanni inuiaqatigiinni nunatsinnit ituni demokratiskiusuni pisinnaatitaaffinnik innarliineq akuersarneqarsinnaassanngikkaluarpoq.

Tunngaviatigut innuttaasut peqqissusaannik inuunermullu pisinnaatitaaffeqarnerannik illersuiumaneq paasilluinnarparput Naalakkersuisunulli, Inatsisartunut soorlu aamma taama iliortugut, mianersortumik peqqissaartumillu suliaqarnissaq kaammattuutigaarput. Aalajangersakkat nalunaarutillu tamarmik qanorpiaq kinguneqarsinnaassanersut inuiaqatigiinni kikkunnit tamanit paasinartunngorlugit suliarineqartariaqarput.

Inuit Pisinnaatitaaffii pillugit Siunnersuisoqatigiit aamma Inuit Pisinnaatitaaffii pillugit Institutip nunarsuaq tamakkerlugu tuniluuttoqarnerani pisinnaatitaaffiit immikkut unamminartorsiorfiusut pillugit takussutissiarput aamma ilanngupparput.

Ikinngutinnersumik inuulluaqqusillunga

Sara Olsvig

Siulittaasq, Inuit Pisinnaatitaaffii pillugit Siunnersuisoqatigiit